

միւս անգամ եմոյժ զիս ի սոյն յայս գործ» (Գլ. ԾԶ.) : Եւ նա հրաժարուել ու ազատուել չի կարողանում հայրապետի հրամանից, ինչպէս որ «Թակարդի մէջ ընկած թոյլ կենդանին չի կարողանում ազատուել թակարդից» (նոյնտեղ) :

Յետոյ, կաթողիկոս Զուղայեցու ծառայութիւնը հայ ժողովրդի լուսաւորութեան գործին մեծ է մանաւանդ նրանով, որ նա զարկ տուեց հայ տպագրութեան արուեստին : «Նրա օրով պայծառացաւ հայերէն գրքերի տպագրութիւնը» — ասում է Չամչեան :

Մինչեւ այդ, ի հարկէ, հայերն ունէին մի քանի տպարաններ զանազան վայրերում, ինչպէս, օրինակ, Աբգար դպրի տպարանը նախ Վենետիկում, յետոյ Կ. Պոլսում, Յովհաննէս Անկիրացու տպարանը՝ նախ Հոռովմում, ապա Վենետիկում, Խաչատուր Կեսարացու տպարանը՝ Նոր Զուղայում եւ այլն : Սակայն այդ տպարանները ղեռ եւս շատ նախնական, անգարզացած էին, մասնաւորապէս նրանց տառերը՝ «կարի իմն անձեւ եւ անյարիր» :

Յակովբ կաթողիկոսը, կամենալով զարգացնել հայ տպագրութեան արուեստը եւ ունենալ հայերէն տառերի աւելի գեղեցիկ եւ մաքուր գաղափարներ, որոնում է մի յարմար մարդ՝ Եւրոզա ուղարկելու, որ այնտեղ սովորի տպագրութեան գործը եւ փորագրել տայ աւելի գեղեցիկ ու յարմար հայերէն մայր տառեր : Այդ ժամանակ էջմիածնում էր Մատթէոս սարկաւազ Ծարեցին, մի «հանճարեղ» մարդ ըստ Չամչեանի, որը եղել էր Փիլիպպոս կաթողիկոսի քարտուղարը :

Զուղայեցին սրան ուղարկում է Եւրոզա : Խեղճը շատ երկար թափառում է Իտալիայի զանազան քաղաքներում, զլիաւորապէս շքուով եւ Վենետիկ, բայց չի կարողանում մի բան անել — մասամբ հմուտ փորագրիչներ չգտնելու եւ մասամբ էլ դէպի իրեն եղած թըշնամական վերաբերմունքի պատճառով, կաթողիկ հոգեւորականութեան կողմից : Այդտեղից յուսահատուած անցնում է Հոլլանդիա, ուր վաճառականութեան գործով գտնուում էր Ոսկան վարդ. Երեւանցու եղբայրը՝ Աւետիսը : Ամստերդամ քաղաքում գտնելով մէկ հմուտ փորագրիչ, Ծարեցին փորագրել է տալիս հա-

յերէն մայր տառեր, հիմնում է տպարան եւ սկսում է գրքեր տպագրել (1660) : Բայց ծանր պարտքերի տակ ընկած լինելով, իրեն ընկերացնում է յիշեալ Աւետիսին, որը մի գեղեցիկ պատրաստակամութեամբ վճարում է Ծարեցու պարտքերը եւ նրան ու տպարանը հանում նեղ դրութիւնից :

Սա այն տպարանն է, որ յայտնի է «էջմիածնի ու Ս. Սարգսի տպարան» անունով : Մատթէոս Ծարեցու մահով՝ Ոսկան Երեւանցին, Զուղայեցու թղթով, Ամստերդամ գնաց եւ տպարանի ղեկավարութիւնը իր ձեռքն առաւ : Մեծ է, շատ մեծ, այդ տպարանի խաղացած դերը հայ ժողովրդի լուսաւորութեան եւ հայերէն գրքերի հրատարակութեան գործում) :

Զուղայեցու կաթողիկոսութեան մէկ գեղեցիկ զիծն էլ այն է, որ նա՝ Զուղայեցին, իր ամբողջ կաթողիկոսութեան ընթացքում, մեզ ներկայանում է որպէս մի հայրենասէր հոգեւորական : Նրա համար հայ ժողովրդի խաղաղութիւնն ու միութիւնը եւ էջմիածնի աթոռի հեղինակութիւնը բարձր էին ամէն բանից :

Իժախտաբար, առիթը չուտով ներկայացաւ՝ իր այդ գեղեցիկ առաքինութիւնները հրապարակ բերելու :

Սոչոր գժտութիւնն է ընկնում Հայոց մէջ, որը սպառնում է հայութիւնը բաժանել երկու հատուածի, իւրաքանչիւրն իր առանձին կաթողիկոսով — արեւելեան եւ արեւմտեան կամ պարսկահայ եւ օսմանահայ : Գժտութեան հերոսն էր Նդիագար վարդ. Անթապցին, «այր հօր բանիւք եւ արդեամբք, ստացեալ զմեծ փարթամութիւն» (Չամչ. Գ. եր. 697) : Իր փառասիրութեանը յազուրդ տալու համար՝ նա մտքում դնում է լինել ազգի գլուխ եւ կաթողիկոս բովանդակ տաճկահայութեան, իր աթոռը հաստատելով Երուսաղէմում : Շատերը հայ երեւելիներից, կանխատեսելով հայութեանը սպառնացող վտանգը, աշխատեցին յետ կանչանցնել նրան իր այդ վատ մտադրութիւնից,

1) Չամչեան, Գ. 659, Լէօ, Հայկ. Տպագր. Ա. 149 :